

江西通志卷第六十一

名宦五

臨江府

吳

周瑜字公瑾廬江舒人也建安中孫策定豫章廬陵瑜留鎮

巴邱吳書

萬或寶鼎二年以右丞相出鎮巴邱林志

宋

王懿字仲德武帝伐廣固用懿為前驅戰輒破之帝與盧循戰於左里懿功冠諸將封新淦縣侯南史

隋

李子樂開皇十年令新淦廢石陽巴邱二縣入新淦隸吉州

江西通志 卷六十一 名宦

子樂以縣治去州遠徙南市村相土卜宅於今為烈臨江府志

府志

唐

杜臻大曆間攝新喻令初縣治在龍池墅大水城圯郡守李嘉祐建議遷之臻擇形勢因徙縣治於虎瞰山之北明一統志

統志

李筠天祐間令新淦會邑陞都制置治所割吉水新喻豐城

三縣隸之筠興版築高城壁遂為雄鎮林志

五代

李著為新喻簿攝縣事時縣多火災著率公徒撲滅之民居故覆茅且侵官街著諭民盡換瓦又浚古湮井六自是火不復作明一統志

宋

韓振開寶元年爲新淦制置使以新定三縣事繁時樊知古充採訪使遂申乞以所屬刑獄關覆吉州而制置司罷林

羅開滿字仲謙會稽人開寶間守臨江崇儒尚禮贈臨江侯

同上

龐籍字醇之單州武城人及進士第爲言官彈劾無所避孔道輔曰言官多觀望宰相意獨龐醇之天子御史也坐貶知臨江軍治郡有聲尋復官徙福建轉運使

宋史

呂大防字微仲藍田人嘉祐進士熙寧四年以太常博士知臨江軍未幾徙知華州拜尚書右丞

同上

土說字巖夫開封人爲臨江守郡有冤獄多所平反

同上

江西通志

卷六十一 名宦

二

按前志載呂嘉問爲臨江守王荊公以詩送之云黃雀有頭顱長行萬里餘想因君出守暫得免芑苴又引宋史嘉問本傳辨其歷官無出守臨江語而據荊公詩以爲本傳失載云考通鑑熙寧三年呂公弼以安石變法具疏將論之從孫嘉問竊其藁以示安石安石先白之帝怒遂罷公弼知太原府呂氏號嘉問爲家賊如此人即有美政亦不當以列名宦況絕無政蹟可紀耶其謫事荊公自宜有詩相送何足爲重今特削去

張好古字敏求南康人元祐間知新淦莅官勤敏革弊舉廢

衆服其廉

林志

林冲之字和叔莆田人元符進士宣和間知臨江軍會漕司議廣東海艤數諸路以守今數豐殺爲殿最時僧多蕩

產民亦告病沖之措置有方夙弊盡革靖康初擢主客郎
中介中書侍郎陳過庭使金同被執抗節不屈而死宋史
李之邵建康人建炎初爲新喻武尉隆祐太后幸虔州扈從
後軍以糧運不至則所過燔掠遂爲叛之邵拒之兵敗不
屈大罵賊賊殺之賊酋壯其言誅害邵者邑人立祠明一統志

張著字少微處州龍泉人紹興初知臨江軍政事嚴明吏民
畏服時兵荒之餘鮮服儒業著興文崇教建學舍爲文以
勸誘之士因知學值大早有吉州豪民歐陽建光謀溺北
客者私其妻事洩移獄推鞠著廉實發擿獄決而雨林志
張遇紹興間新淦縣丞時方被兵令不能職撫諭使張滙劾
罷之以遇攝縣事遇撥煨燼考版籍正租賦數月之間弊

江西通志

卷六十一

名宦

三

除而民定

豫章書

孔端木字子公知臨江軍崇教化士風丕振與張著並祀府
學明一統志

汪果紹興間知新淦作新學校文風大振淦之士獨盛於他
邑者果之力也同上

江溥字叔源信安人乾道間知臨江軍值歲歉講明荒政爲
糜粥以食饑者民賴以活豪民鍾氏武斷鄉曲溥發其奸
寘於法人稱快焉同上

沈誥字直之吳興人淳熙間知臨江軍嘗買民地以廣貢院
又翻刊二劉春秋傳權衡意林於郡學官至戶部尚書林志

陳士楚字英仲淳熙間爲司戶時新喻稅籍不明豪右多佚

賦而累貧士楚督儲至邑悉正稅籍吏胥不能欺仕至起居舍人

同上

何洪慶元間知新淦縣崇尚禮教不施鞭扑而民自畏服值邑大疫癘置惠民局延良醫以治之又置養濟院以收無依者民甚德焉

豫章書

王蓮字少愚濡湏人慶元間知臨江軍故郡市黃雀鮓歲遺朝貴率三萬計蓮至悉罷之免萬里苞苴之勞政聲上聞召還去之日凡供張物器悉歸公帑秋毫不隨仕至戶部侍郎

林志

趙師道字載道通判臨江軍以貢闈窄隘因申郡漕開拓之又括在官之田置貢士莊以助偕計吏者

府志

丁必稱字季言蘄州人知臨江軍江西和買例以稅產均數

江西通志

卷六十一

名宦

四

其無稅者以物力稱因積郡帑之贏代輸物力和買一年為錢若干文乃請於朝乞永與蠲免擢潼川提點刑獄

林志

黃幹字直卿福州閩縣人朱子高弟嘉定間趙希懌提舉江西辟為臨川令歲旱勸糶捕蝗極其力改知新淦縣吏民習知臨川之政皆不令而政行所至重庠序先教養舊欠綱米數萬石幹聞於朝悉罷免之擢監尚書六部門

宋史

葉師中字子實永嘉人嘉定中教授郡學積廩餼之餘買田為義廩以資仕進之貧及衣纓後之不振者

林志

黃自然字元輔建安人嘉定末教授郡學以理學誨諸生齋宿問辨率至夜分及漕廣西猶捐俸餘助修禮殿官至吏

部侍郎

同上

伯大字幼學福州人嘉定七年進士知臨江軍歲饑賑荒
有法遷國子監丞累官資政殿學士

宋之

按府志伯大置荒政局延士客究竟古今賑濟便宜法
抄刷戶口全活甚衆所著有救荒案賑民錄時民有紅
黃黑白圈甲乙丙丁戶若非王知軍餓殺人無數之謠
潘剛中字濟叔臨安人知臨江軍時郡堤水齧行者莫濟剛
中出緡錢疊石畚築易爲坦塗又置抵當庫貯公費使來
者修築焉

林志

張磻字渭老福州人嘉定四年進士鄰郡有清江渡產紙部
牒誤爲清江縣下郡日鈔會紙三萬時磻知臨江申省辨
之乃得報罷

同上

按宋史本傳磻由嘉定進士歷官至刑部尚書拜參知

江西通志

卷六十一

名宦

五

政事並無知臨江軍事姑從舊志以俟再考

陳日強吳興人知臨江軍首鋤豪霸劾貪令訟簡刑清一郡
肅然

同上

陳容字公儲長樂人端平二年進士嘉熙間通判臨江軍以
才名受知理宗入爲國子監主簿去後人常思之

府志

鮑廉德祐初知臨江軍歲乙亥元將伯顏阿朮下九江分兵
攻臨江或勸之避廉曰城亡與亡可遁乎被執死之

林志

元

李侗字士弘河東人大德間爲臨江路總管民病火災侗勞
來循行賑饑濟溺懇禱於神秋果大熟郡有奸民不便其
所爲誣訟侗褫職去明年宣撫至郡民數百人爲侗稱屈
得直其冤官至集賢學士卒謚章肅

林志

木八刺字世明至正初守郡崇儒興學愛民如子卒於官民哀之聲動城邑立祠祀之

同上

月忽難色目人元末爲臨江路經歷臨江故多虎狼之卒居城郭者咸執鞭爲業民忤之者必中以奇禍獄訟興滅皆出其喜怒百姓側足畏避號曰笏鼓謂其部黨衆而心力齊也月忽難初至訪民瘼按宿獄凡壅滯不決者皆笏鼓之徒爲之悉逮捕窮其奸狀餘黨斂跡退散農民入城市相謂曰微經歷我與爾敢來此乎見劉誠意集

豫章書

明

劉貞字子貞洪武初知臨江府時元末兵燬貞撫字有方百廢具舉民不知勞以循良稱

明一統志

趙天麟東平人明初同知臨江陳友諒遣知院蔣必勝寇臨

江西通志

卷六十一

名宦

六

江城陷被執不屈死之贈天水郡伯立祠肖像於南昌有太平金鏡集八卷

府志

楊成成都人建文間以刑部郎中謫知新喻縣性耿介剴繁治劇事無留滯仕終福建參議

明一統志

聞祿永樂初通判臨江操守堅正莅政公勤潔已勤事民受其惠尋陞太原知府

同上

金輝永樂初爲臨江推官見事敏給莅政詳明持已儉約待人寬恕以薦擢監察御史

同上

李存仁黃巖人永樂間知新喻縣廉幹有機局初抵任佯爲不知狀逾月閭里銖兩之奸悉知之一時豪右摧抑淨盡境內大治民所告訐判斷如流有兩牛相鬪一牛死主者訟之判曰二牛相鬪一死一生生者同畊死者同烹又有

慢命者拘其母不出既而執其妻即出曰慢命罪小不孝罪大杖殺之其不煩鞠責而事自理凡此類也

林志

朱得寶城人永樂進士知臨江府政尚寬平歲滿上章乞留

者數百人詔陞右參政仍掌府事歷任凡二十四載

府志

沈蔡字元節平湖人天順進士知臨江府政尚嚴明吏民畏

服學問博洽尤善吟詠尋擢貴州參政

林志

夏璣字德乾吳縣人天順進士知新淦縣持身清慎平易近

民有古良吏風擢監察御史

明一統志

王佐臨臯人由舉人成化間同知臨江公平正大博學工吟

詠以才能著稱

林志

葉淇山陽人成化進士知清江縣政平訟理民不忍欺擢監

察御史累官戶部尚書

同上

江西通志

卷六十一

名宦

七

張善昭順德人弘治間由四川僉事謫臨江通判先是練子

寧親黨謫臨江者八十餘人善昭上書曰子寧忠貫日月

太宗謂若使子寧在朕固當用之仁宗亦謂方孝孺等忠

臣夫既忠之矣何肺腑外屬尚以奸惡賜配百年不宥哉

疏雖不行中外皆壯之

白志

盧翊常熟人弘治進士知新喻縣廉不近名仁不墮事和平

豈弟有循吏風

林志

戴德孺字子良臨海人弘治進士歷工部員外郎遷臨江知

府宸濠反遣使收府印德孺斬之與家人誓曰吾死守孤

城脫有急若輩沉池中吾不負國也即日戒嚴與都御史

王守仁共滅宸濠以憂去世宗以德孺馭軍最整獨增三

秩爲雲南右布政使舟次徐州覆水死後贈光祿寺卿子

一子官 白志

陳元憲連江人正德間通判臨江政尚廉平催科中存撫字門第清嚴關節不能入去任十載民思之如初 林志

吳宗周字良弼宣城人丞相潛之後少以孝行旌於鄉舉弘治進士知臨江府首重師儒郡先有三教坊以佛老並儷文廟命毀之撤其材爲號舍以聚生徒嘗延莆田陳璉講五禮圖式數年民知禮讓郡中稱治 府志

王泰慈谿人由鄉貢正德間爲清江縣舊以里甲值日科取無度泰至除十之七會部使督餉急泰曰知縣可辱吾民不可迫建倉備饑財力不取於民卒於官無以爲斂知府戴德孺經理其事士民哀之 林志

徐問字用中武進人弘治進士以登州知府調臨江民病水

江西通志

卷六十一 名宦

八

潦爲築隄防七十二轉長蘆鹽運使歷官至戶部尚書卒於家問清標絕俗居官四十年敝廬蕭然田不滿百好學不倦粹然深造爲士類所宗 白志

朱簠字守貴山陰人嘉靖進士知峽江縣時峽初闢邑簠以寬仁撫循採辦皇木單騎入山民無紛擾其課士尤勤雖窮鄉誘民使學士至今思之 安志

徐宗魯字希曾華亭人嘉靖進士任峽江有惠政丈田滌虛稅禱旱跽烈日中祝曰天寧殃我毋災百姓蝗蔽野躬自督捕徑疏請蠲租民賴蘇息歷三載鬚髮盡白 府志

樂舜賓定海人嘉靖進士知新淦縣值海寇奄至舜賓登陴拒守創立藥弩殲其渠賊宵遁明年大水城圯舜賓甃之以憂去 同上

徐顥字子淳錢塘人進士知臨江府庶政修舉尤屬意文教發奸摘伏如神吏民莫敢欺勢家抵禁必置之法貴人請託輒拒之曰寧負權臣不負吾民以考績赴京歸卒

安志

錢琦字公良海鹽人進士刑部郎中知臨江府凡事當行罷擇民所便即任之改作公堂民無煩苦又念新淦地廣民悍當析邑分治力請於朝峽江始立縣經營建置酌定賦役悉出手畫已又奏請輕齋三年以寬新邑未行

同上

李易字仲占永興人嘉靖進士以戶部郎出守臨江儉樸勤慎與人無阿聞善益親嘗作後堂署體仁以見志年荒設糜救饑仍賑米城北高橋地涉者多溺捐俸倡修無子橋成舉一子人以爲陰德之報云官至叅政

同上

廖文光字士龍上元人舉人授清江令時嚴嵩執政光擒其

江西通志

卷六十一

名宦

九

橫僕置之法轉廣信同知郡有商被盜幾死有神呼之告於廖商隨投告獲盜抵罪晉戶部員外郎

江南通志

黃尚質字宗商水軍左衛人嘉靖舉人知峽江縣驛有羨金歲暮輸縣尚質令存以減來歲額派聞練子寧遺嗣流爲廝養多方覓之復其姓立祠買田俾主其祀

同上

曾陳易號東陽番禺人進士治淦邑多善政務簡易近民自題其堂曰易事難悅嘗重新學宮請恤驛遞疲困例增餼銀淦歲苦南北二米乃酌糧數派編矢心公慎雖豪貴勢家無所規避尋陞御史淦民懷之立祠祀焉

廣東通志

李茂英寶應人進士初選分宜再調清江愛民好士清驛遞均徭役尤留心荒政倣古常平之法又建文昌閣於學宮之左規制壯麗自是士子多登第者歷官通政

江南通志

王圻字元翰上海人嘉靖乙丑進士爲清江令邑田糧多欺隱歲久弊積圻躬歷阡陌素精勾股法丈量圖冊旣成胥吏無敢作奸者尤銳意右文置學田增號舍鑄祭器刻繩尺論以訓士爲時所稱調萬安令

同上

按江南通志稱圻調萬安後擢御史忤時相累官至參議乞養歸築室淞江之濱種梅萬樹目曰梅花源年逾耄耄猶篝燈帳中丙夜不輟有續文獻通考諸書行世管大勲字世臣鄞縣人由進士選庶吉士改禮科給事中出知臨江府政尚循良表章經籍興復古學建明經書院增號舍置學田修葺郡志考據精當能以文事飭吏治

同上

李樂字彥和烏程人隆慶進士知新淦縣初謁郡守聞人素驕蹇不率樂先杖之而後以聞邑中肅然淦賦繁申請條

江西通志

卷六十一

名宦

十

鞭畫一民便輸納創尊經閣建便民倉捐俸市穀以備荒賑在任布袍蔬食數年如一日擢給事中有金川紀事

志

張師繹字夢澤武進人萬曆進士知新喻縣以簡易寬大爲治嘗奉檄督漕賦嘆曰賦漕至十年籍不可考矣徒爲老胥奸利地何益竟不行喻邑有銀監稅璫至橫甚師繹爲書一法字授璫前驅璫懼遂去後仕至按察使

同上

鄭朝棟號二水醴陵人萬曆中由鄉薦官臨江同知精練明敏姦宄屏息四視邑篆俱有惠政丙辰沙河堤決臺司委督其事度形勢均工役木石畚鍤之具親先調度隄成堅固至今賴之仕至貴州布政使

府志

郭惟賢字哲卿晉江人萬曆進士授清江令邑郵多逋額惟

賢酌定驛規申緩夏秋稅期民得甦息俗好訟嚴令禁止
最聞擢御史 安志

李徵儀字于來廣德州人萬曆進士初令弋陽調清江解戶
南兌苦重費乃立官解之法盡革加派包匿諸弊嘗築鍾
家圈隄護田萬餘頃陞禮部主事 府志

賀逢舜益陽人萬曆進士知峽江縣邑地瘠賦重逢舜請於
臺使奏減例銀千餘兩酌起運緩急立八限以寬民力丁
糧銀米悉載定冊刊定糧差條例吏胥不得上下其手秩
滿陞戶部主事 同上

楊宏科字意白餘姚人萬曆進士爲新淦令時凶荒洊至宏
科散財發粟極力撫循之盜賊流劫諸鄉捕治其首惡無
所株蔓淦賴以安擢監察御史 同上

江西通志

卷六十一

名宦

士

張汝霖字肅之山陰人萬曆進士初授廣昌令調清江時朝
議方興礦稅民惶懼汝霖條上利害爲民請命尋中使採
買樟鎮藥材民復大擾亦賴汝霖撫諭乃定擢兵部主事
同上

俞誨字忠伯莆田人萬曆進士知新喻縣廉靜慈惠嘗閱南
灘水勢背郭形勝非宜乃鑿引秀水抱城東下至今呼爲
俞公河在任凡九載民被其澤擢御史 同上

朱邦禎號恬宇吳縣人萬曆進士知新淦縣邑素苦經催疲
運乃條陳船戶代解民困以甦又擒治巨盜數十人修便
民倉鑿桂湖民大賴之日進諸生談說經藝有金川會課
集陞大理評事 同上

林恭章莆田人萬曆進士補新淦令有能聲額賦聽民自納

不取羨餘貧民有鬻妻者賑之使完聚邑火捐粟卹被災者尋陞江西湖東道

安志

鄧林楠字光宇三水人以明經爲新淦令性恬淡均賦平訟羨利贖鍰一無所入邑夫馬歲苦偏累林楠分衆朋充民以無擾以資格爲臺使所抑士民皆惜其去

同上

劉拯字以仁永福人由舉人爲新淦令嘗因漕蠹侵折運輓不前力請民徵官解一時便之崇禎中流寇充斥淦城卑小拯加高數尺尤銳意文教置學田修敬一亭文昌閣勉齋祠士興於學以陞任去

同上

盧兆龍字侯見香山人天啓進士授清江令精練明敏案無留牘時征調漸繁兆龍供應無乏而民不病樟鎮濱江歲患衝鬻兆龍築石岸護蛇溪諸水鎮人以安擢禮科給事

江西通志

卷六十一

名宦

十一

中府志

陳以運字時可貴池人由舉人爲新淦令淦邑南北輓運歲爲船戶冒破以運條請徵解自是官民免於累時江楚多事臨衆諸郡騷動以運繕城濠建倉庾以受委積邑有數年之備盤山土寇起即率兵擒斬之焚其巢崇禎間闖賊大掠鄰邑以運多置間諜修甲仗團練義勇爲死守計卒全其城以膽畧稱遷邵武同知

安志

梁士濟字遂良南海人天啓進士授奉新令調清江會楚中用兵芻餉徵給拮据應辦壬申峒寇作分守道欲撤城外居民持不可曰脫寇至燔之無怨矣乃自出簡精銳扼諸河上民賴以安又置學田贍士請廣弟子員及科舉例士子翕然歸之擢監察御史

府志

秦鏞字大音無錫人崇禎進士清江令邑素僉富民爲馬戶富民竄入胥吏希免累及貧戶鏞以胥吏僉而給其直民困頓蘇劇盜嘯聚沃場等處以計擒斬之築梅家畝建義倉釐正祀典作五勸四誠歌以教民力穡內陞御史同上國朝

潘嶺號石丈孝感人順治戊子拔貢任新淦縣兵燹後百事草創鼎建文廟重建讀書臺及坑口渡橋增築城垣清丈荒田招來頑梗士民賴之新淦志

于鵬翰字六息文登人順治乙未進士知峽江縣性仁廉時軍馬絡繹民不堪命鵬翰捐貲募夫民乃不擾多方招撫嘗賣所乘馬給民牛種勸畊作詳免荒徭峽民德之白志

符執桓山西翼城人康熙二年由舉人知新淦兵後縣治毀

江西通志

卷六十一 名宦

三

民流亡田半蒿萊執桓構材飭廳事及吏舍歷勘荒畝疏逋賦之無主者聞於大吏卒得蠲除流民歸業捐給牛種饑則賑粥民賴休息內擢未任卒士民痛惜之新淦縣志

胡之琳號介石淳安人由舉人知新淦縣修葺學宮及便民倉惜陰書院復陶桓公黃勉齋祠纂郡邑志卒官新淦志

喻成龍遼東人康熙二十六年任臨江知府廉明仁愛風節自勵鼓舞學校以隨行經籍數千卷置尊經閣建褒忠祠表彰孝義節烈舊例漕米解戶率破產成龍令官收官解百姓便之歷官湖廣總督臨江崇祀志

李濤字紫瀾德州衛人康熙丙辰進士二十八年由編修知臨江府行潔品端風清弊絕甫至廉得巨盜張茂生者沿江剽劫爲民害濤至通衢立斃之擒餘黨曾翁李老生等

悉置之法民歡聲雷動清江奸胥收民稅持權衡以機械
暗移輕重濤過縣門叱吏突至其處得奸狀伏法酌定引
鹽價值嚴禁鋪戶供應每歲奏銷冊籍當年里長為費不
貲濤盡革除民尤便之在任九年陞浙江鹽運使歷官刑
部侍郎

白志

吉安府

三國

孫輔字國儀以揚武校尉佐孫策平三郡策西襲廬江太守
劉勲輔隨從身先士卒有功策立輔為廬陵太守撫定屬
城分置長吏遷平南將軍

三國吳宗室傳

劉陵為安成長先是境內多虎民患之多徙他郡陵至修政
月餘虎皆出境流民復還

明一統志

江西通志

卷六十一 名宦

古

吳瑒為安成長孫權使呂岱取長沙瑒據縣以拒權遣魯肅
攻圍瑒突出曰瑒受天子為長知有漢而不知有吳也

同上

晉

郭察永嘉中為安成太守時益梁流寇破零桂諸郡進逼安
成察力戰死之

林志

虞潭字思與會稽餘姚人領廬陵太守撫綏荒餘咸得其所
又與諸軍共平陳恢仍轉南康太守進爵東鄉侯時湘川
賊杜弼勢猖獗江州刺史衛展因表潭并領安成太守以
禦之

晉書

按前志載孟嘉辟部廬陵從事還都庾亮引問風俗得
失對曰還傳當問吏亮舉麈尾掩口而笑謂弟翼曰孟

嘉故是盛德人此在晉時風流相賞實不可以稱名宦也故去之

宋

劉湛字弘仁南陽人爲廬陵王義真長史時王居高祖憂使帳下備膳湛禁之義真乃使左右索魚肉珍羞於齋內別立廚帳會湛入因命庖人進酒及車螯湛正色曰公當今不宜有此設義真曰一盃酒亦何傷湛起曰旣不能以禮自處又不能以禮處人遂趨出景平元年召拜尚書吏部

郎

宋書

按前志載周朗爲廬陵內史郡界荒蕪頗有野獸母薛氏欲見獵乃合圍縱火令母觀之火延燒郡解朗悉以秩米起屋償所燒之限稱疾去官爲州司所糾自劾以猛獸三食人蟲鼠犯稼爲已罪如此舉動似不可列名宦酌去之

江西通志

卷六十一

名宦

十五

梁

傅昭字茂遠靈州人由左民尚書出爲信武將軍安成內史安成自宋來兵亂相接郡多鬼怪及昭爲郡郡人夜夢見兵馬鎧甲甚盛又聞有人云當避善人軍衆相與騰虛而逝自後郡舍遂安咸謂昭正直所致郡溪無魚或有暑月薦昭魚者昭不納魚餒於門側

梁書

江革字休映濟陽人爲廬陵長史以清嚴爲百城所憚時少主惑於籤師革正直自居不與籤師等同坐俄遷左光祿大夫

同上

陳

劉竺彭城人廬陵太守沈幾博照利興害除公家黷負租私家多餘貨出郊有白鹿隨馭之祥民懷惠政立祠神岡山

豫章書

唐

張儼元和間爲廬陵縣令廉惠通敏彈擊豪黠撫恤細民嘗捐俸掩骼招復流離民有兄弟相訐者儼解諭令其相好如初連歲大穰皇甫湜稱其恂恂奉上煦煦字民蓋實錄也

廬陵志

賀憑會稽人集賢學士知章之後會昌四年以著作郎任永新令有惠政秩滿當去邑民遮留之因家焉

永新志

田陽字昭和大中間任吉州刺史留心撫恤物阜民和卒於官臨終與子訣曰吾死不忘護吉州之民子感其言因家

江西通志

卷六十一

名宦

十六

於吉之城北立祠祀之至今有田相公廟

林志

蕭蒨長安人乾寧進士任吉州牧養民以仁待士以禮政平訟理結庵金鳳山岡講老子書自號蕭道人既解任即庵立祠祀之水旱疾疫必禱焉

林志

南唐

李元清濠州人開寶中以吉州永新與潭衡接境因改永新爲制置以元清爲使每數月潛入潭部託病不衙人不之知先是夏賦準貢見緡民苦之元清奏請納帛一疋折錢一千以爲定制民便之嘗減冗費十萬餘漕運入金陵以

濟國用

馬令南唐書

按明一統志李元清作楊元清

陳省躬知永新縣明察有斷部民交訟曲直立分時郴衡盜

入境防戍兵多爲所殺省躬給府緡市棺瘞之郡符下讓其專省躬判郡符云開官庫使官緡買棺木葬官軍何過之有

林志

按永新縣志云省躬三國時人林志則列名五代中在李元清後考三國志南唐書皆無其名今姑從林志

宋

王崇文建隆時吉州刺史奉法循理無所侵撓民便之

林志

龐敏建隆二年爲泰和令徐錯撰白鶴觀碑稱其明察足以

不欺貞固足以幹事

泰和志

董衢酸棗人乾德間宰永新以廉平著聲善類多所汲引任滿百姓遮道留之不得行遷殿中丞

林志

梁鼎太平興國間知吉州里有蕭甲者豪猾爲民患鼎暴其

江西通志

卷六十一

名宦

七

凶狀杖脊黥面徙遠郡太宗賞其強幹

明一統志

戚綸字仲言應天楚邱人太平興國八年進士知泰和縣民險悍多構訟爲諭民詩五十篇因時俗耳目之事以申規誨老幼多傳誦之每歲時必與獄囚約遣歸祀其先皆如期而還遷光祿丞

宋史

馬應昌至道間以右司諫來守廬陵鞠貪胥絕欺弊公私舊逋官緡表奏折入吏民賴焉

林志

呂士元字佐堯江寧人咸平時爲泰和令民喜鬪訟往往因事中吏以法多不免士元日與長吏爭曲直辨情僞猾吏伺候終無毫髮過失可得祿食所入悉賙其族子漆隨侍至邑叔讀書臺竟狀元及第

安志

按歐陽文忠誌士元墓曰官雖卑惠於其民足以爲政